

TEUFIK MUFTIĆ

OSOBITOSTI ARAPSKOG DEMINUTIVA

U ovom osvrtu na deminutivne oblike i njihovu upotrebu u arapskom književnom jeziku ukratko će se razmotriti osnovne forme ne ulazeći u detalje njihove tvorbe, jer je to opširno obrađeno u normativnoj arapskoj gramatici još od vremena prvog njenog sistematizatora Sibawaiha. Pored tih osnovnih oblika, ovdje će se posebno istaknuti i neki rjeđi, sporadični oblici koji vrše funkciju deminutiva. Na osnovu tog morfološkog osvrta više ćemo se zadržati na semantičkoj strani deminutivnih formi i pitanju njihove upotrebe u jeziku. I tu ima odstupanja od one prvobitne namjene deminutiva, pa će se tim slučajevima u radu i posvetiti posebna pažnja. Inače se o semantičkoj strani deminutiva dosada u gramatici arapskog jezika govorilo samo uzgredno, dok su njegove morfološke osobine bile razrađivane u detalje, osim onih rjeđih formi koje se obično nisu ni spominjale. To bi bili razlozi da se ovi oblici i njihova značenja istaknu i da se skrene pažnja na značaj njihova detaljnijeg i dubljeg ispitivanja radi korišćenja tih rezultata kako u teoriji, tako i u jezičkoj praksi.

MORFOLOŠKE KARAKTERISTIKE DEMINUTIVA

Deminutivni oblici u arapskom pretežno se tvore od nominalnih formi i to najčešće od imenica i pridjeva. Pojedinačno je njihovo obrazovanje od zamjenica (samo od pokazne zamjenice *dā* i njih derivata, te od odnosnih zamjenica *al-ladī*, *al-latī* i iz njih izvedenih oblika). Deminutiv se derivira pojedinačno i iz nekoliko prepozicionalnih formi, ali su one prvobitno nominalnog porijekla. Izuzetno je izvođenje deminutiva iz glagola, jer je, naime, ograničeno samo na oblike obrazovane od nekoliko tzv. »glagola čuđenja« (*af'ālu-l-ta'ağġubi*).¹

¹ Uporedi o derivaciji deminutiva uopće u: *A Grammar of the Ara-*

bic Language, translated from the German of Caspari and edited with

Tvorba deminutiva (deminucija) od oblika koji već imaju deminutivnu formu u arapskom nije moguća, kao što je to slučaj u nekim drugim jezicima, gdje je to ponekad moguće (npr. dodavanjem imenici po dva deminutivna sufiksa i sl.).

Postoje tri osnovna oblika deminutiva, o kojima opširno govori već sam Sibawaih u svojoj gramatici.² To su *fu'ailun*, *fu'ai'ilun* i *fu'ai'i'lun*. Kako se vidi, obrazovani su unutarnjom fleksijom, tj. s osobitom vokalizacijom s karakterističnim kratkim vokalom »u« iza prvog radikala i diftongom »ai« iza drugog (npr. *kalbun* > *kulaibun*) te kratkim vokalom »i« iza trećeg radikala kod četverokonsonantskih riječi (npr. *dirhamun* > *duraihimun*), a dugim »ī« kod »peterokonsonantskih« kod kojih je četvrti »konsonant«, po arapskoj nomenklaturi, »slabi suglasnik« (‘, w, y), a, u stvari, to je dugi vokal: ā, ū, ī (npr. *miftāhun* > *mufaitīhun*; ‘*uṣfūrun* > ‘*usaifīrun*; *miskīnun* > *musaikīnun*).

Postoje dva načina deminucije. Prvi, i gotovo u isključivoj upotrebi, je onaj po kome se deminutiv (*al-muṣaggāru*) dobije polazeći od neumanjene riječi (*al-mukabbaru*) iz koje se izvodi odgovarajući umanjeni oblik (npr. *rağulun* dem. *ruğailun*). Pri tom, dakle, u obzir dolaze i vankorijenski suglasnici (*al-ḥurūfu l-zawā'idu*);³ tako, npr., od ’azraqu glasi deminutiv ’uzairiqu od *miṭṭafun* > *mu'aitifun*, gdje se u deminutivu javljaju prefiksi ’u- odn. *mu-* i sl. Isto tako ostaju sačuvani i sufiksi: -ānu (npr. *sakrānu* > *sukairānu*), -iyyun (npr. ’abqariyyun > ’ubaiqiriyyun); zatim sufiksi za ženski rod: -atun (*qal'atun* > *qulai'atun*), -ā'u (npr. *hamrā'u* > *humairā'u*), -ā (npr. *Salmā* > *Sulaimā*), te dualni (-āni) i pluralni nastavci (-āna, -ātun).

Međutim, nasuprot ovome treba istaknuti odbacivanje suvišnih suglasnika, kod riječi koje ih imaju pet ili više, jer se sve moraju svesti na četverokonsonantski deminutivni oblik *fu'ai'ilun* (ili rjeđe *fu'ai'i'lun*). Odbačen može biti čak i radikal, i to obično posljednji (peti, npr.: *safarğalun* > *sufairiğun*, ’ankabütun > ’unaikibun i sl.). Međutim, nekad može biti izbačen i neki drugi radikal kvinkvilitere (npr. *ğahmarişun* > *ğuhaimirun* ili *ğuhairişun*; *farazdaqun* > *furaizidun* ili *furaiziqun*; *quḍā'milun* > *quḍai'imun* ili *quḍai'i'lun* i sl.).

Kad riječ ima više vankorijenskih suglasnika, odbaciće se oni manje važni za potpunost očuvanja značenja osnovne riječi (pa tako, npr., od: *mustakmilun* > *mukaimilun* ili s dugim »ī« kao nakna-

the numerous additions and corrections by W. Wright. Third edition revised by W. R. Smith and M. J. de Goeje, Volume I, Cambridge 1955, str. 167, Rem. e.

² Vidi: Kitābu... ‘Abī Bišr ‘Amr al-mulaqqab Sibawaih, Al-Guz'u-l-

-tāni, Al-Tab'atu-l-ülā, Bulāq Miṣr 1317/1899, str. 105—143.

³ Kako je poznato, to su konsonanti koji služe za izvođenje svih mogućih oblika iz korijena, a sadržani su u vox memoriae: *al-yauma tansā-hā*.

dom za ispušteno: *mukaimīlun*). Ako su suglasnici od podjednake semantičke važnosti, po volji se zadržava (odn. izbacuje) ovaj ili onaj suglasnik (npr. od *ḥabāntan* > *ḥubainītun* ili *ḥubaitin*; *qalansuwatun* > *qulainisatun* ili *qulaisiyatun* i sl.).

Što se tiče gramatičkog roda, deminutiv se u tome pretežno slaže s neumanjenom riječi. Zato riječi ženskog roda po prirodi (npr. *Hindu*) ili po upotrebi (*śamsun*), u deminutivu dobiju nastavak za taj rod, te glase: *Hunaidatu*, odn. *śumaisatun*. Tako i glavni brojevi od 1—10 imaju za muški rod i u deminutivu sufiks *-atun*, npr. od: *ḥamsatun* > *ḥumaisatun*, a u ženskom su bez njega: *ḥam-sun* > *ḥumaisun* i sl.

Mali je broj odstupanja od ovoga pravila, pa se neumanjeno ime i iz njega izvedeni deminutiv ne slažu u rodu, kao u primjerima: *ḥarbun* (ženskog roda) prema *ḥuraibun* (muškog), *dir'un* > *durai'un*, *qausun* > *quwaisun* ili, pak, obrnuto: *baḥrun* > *buḥairatun*, a kod *qaumun* (koje je i muškog i ženskog roda) deminutiv može biti *quwaimun* ili *quwaimatun*, itd.⁴

Drugi način deminucije, ali još uvjek onim istim oblicima vezan za prvi, sastoji se u tome da se deminutiv izvodi, ne iz konkretnе neumanjene riječi, nego tako da se ona svede na sam korijen, pa da se onda iz njega derivira deminutiv, i to na oblik *fu'ailun* od trokonsonantskih riječi, a na oblik *fu'ai'ilun* od višekonsonantskih. Ovaj način arapski se naziva *taṣṣīru-l-tarḥīmi*, a u mnogo je rjeđoj upotrebi nego prvi. On, s jedne strane, dovodi do stvaranja dubleta prema prvom načinu (npr., od *'uṣfūrun* po ovom načinu deminutiv je *'uṣafīrun*, a po prvom *'uṣafīrun*), a, s druge strane, s obzirom na svođenje pri ovakvoj deminuciji svih riječi raznih oblika na jedan te isti zajednički korijen dotočne porodice riječi iz koje izvodimo deminutiv, a on može imati samo jedan oblik (pa bi tako, npr., od *fārisun*, *farasun*, itd. deminutiv bio *furaīsun* za obje riječi, a po prvom načinu za prvu bi riječ deminutiv glasio *fuwairīsun*, a za drugu *furaīsun*, te bi se, dakle, međusobno razlikovali). Zbog te nemogućnosti razlikovanja deminutivnih oblika od različitih neumanjenih riječi istoga korijena, ovaj drugi način i nije mogao dobiti širu upotrebu u praktičnom životu govoru. On odstupa od prvog i u tome što: 1) imena muškog roda na sufiks *-atu* gube taj sufiks u deminutivu (npr. *Hāriṭātu* > *Huraiṭu*, nasuprot: *Talḥātu* > *Tulaiḥātu* po prvom načinu) i 2) što imena ženskog roda sa sufiksima *-ā'u* i *-ā* odbacuju te nastavke u deminutivu, a zamjenjuju ih nastavkom: *-atun* (npr. od: *ḥamrā'u* > *humairatun* prema *humairā'u* po prvom načinu ili od *ḥublā* > *ḥubailatun* prema *ḥubailā*, i sl.).⁵

⁴ Opširno o prvom načinu deminucije, osim u navedenom odsjeku kod Sibawaiha, vidjeti i: Wright, *op. cit.*, str. 166—174, § 269—282.

⁵ O drugom načinu deminucije uporediti: Wright, *op. cit.*, str. 174, § 283 i 284.

Osim ovoga navedenog, ali još uвijek u osloncu na navedene osnovne oblike ovih dvaju načina deminucije, postoji izvjestan broj sasvim nepravilno deriviranih deminutiva obrazovanih na osnovu pogrešne analogije prema pravilnim oblicima. To su sljedeće forme: ruwaiğilun od rağulun; duwaiħiħun < duħānun; muġairiħānun < maġribun; 'ušaišatun, 'ušaišiyatun, 'ušayyānun, 'ušaišānun i 'ušaiši-yānun < 'aşıyyatun; 'unaisiyānun < 'insānun; luyailiyatun < lai-latun; 'ubainūna < banūna; 'uṣailānun, 'uṣailālun i 'uṣayyālun < 'uṣlānun (izvedeno od plurala riječi 'aşlun); dunainirun < dīnārun; duwaiwīnun < dīwānun; dubaibīgħun ili duyaibīgħun < dībāġun.⁶

Pored navedenih osnovnih oblika, u značenju deminutiva (i nekim drugim srodnim značenjima) sporadično se upotrebljava i jedan mali broj drugih oblika koji inače imaju i razna druga značenja nevezana sa značenjima deminutiva. Tako, u deminutivnom (i deteriorativnom) značenju dolaze i oblici *qutāl* (tj. fu'āl, po našem načinu označavanja morfema), iz njega izvedeno *qutālat*, npr., u riječima: ġulām (= dječak), ħuuār (devčе), qurābat (mala mješina); pridjevi: 'udāl (težak), ħuaf (lagan). Tu se navode i riječi koje imaju oblik *qulāqil* [fulāfil(at)]: duuābbat (životinja), hudāhid (od hudhud = pupavac), ħubāħib (krijesnica).⁷

Deminutivno (odn. deteriorativno) značenje nalazimo i kod raznih oblika s udvojenim trećim radikalom, od kojih navodimo: qu'dud (zapečkar, čečalo), duħlul (uljez), qamnānat (mali krpelj), tu'lāl (lisičić), ġu'bub (malen, slab), ġu'isūs (malen, prezriv), šu'rūr (nadripjesnik, stihoklepac), ħudlūl (tanak pjesak), ġirbīb (crnkast, taman), qirīṭā (malenkost), za'tūt (dječica), ba'rūr (devin izmet), šaqtūta (krpa; bludnica). Ovdje se navodi, ranije (kod nepravilnih oblika) spomenuto: 'uṣailāl i 'uṣailān, što Brockelmann objašnjava kao oblike kontaminirane s običnim načinom tvorbe deminutiva, s tim što je krajnje »n« drugog oblika nastalo disimilacijom prema prethodnom »l«.⁸

⁶ Vidi: Wright, op. cit., str. 175, Rem. Jedan od takvih nepravilnih deminutiva navodi i: 'Abū-l-Rahmān Galālu-l-dīn Al-Suyūti u djelu: *Al-Muzhir fī 'ulūmi-l-luġa wa 'anwā'i-hā* (u egipatskom izdanju, bez naznake godine, priredili: Muhammad Ahmad Ġāru-l-Maulā, 'Alī Muḥāmmad, Al-Baġāwī i Muḥāmmad 'Abū-l-Fadl 'Ibrāhīm), Al-Guz'u-l-tāni, str. 78, a to je: 'uğayyārūn za koje kaže da je deminutiv (*taṣḡīrūn*) od ġīrānun preko oblika 'aġwurun (tj. pluralis paucitatis) i njegova deminutiva 'uğaiwārūn, što je konačno dalo formu 'uğayyārūn.

⁷ Navedene deminutive, kao i neke riječi istoga oblika, a srođno-

ga značenja: komada, otpadaka i sl. (npr. hutām, ġudād, futāt, quṭā', nusāl, ūbāb, muġāġ, muħāt, hura') navodi Carl Brockelmann u djelu *Grundriss der vergleichenden Grammatik der semitischen Sprachen*, I, Hildesheim 1966, str. 351—352, § 135 (pod oblikom: e/ qutāl). Ovdje, i dalje, njegove primjere navodimo u njegovojo transkripciji uz neznatne izmjene samo nekih slova.

⁸ O tome, kao i deminutive s reduplicacijom trećeg radikalala, vidjeti: Brockelmann, op. cit., str. 366—367, § 172.

Jos 'Abū-l-Fath 'Uṭmān 'Ibn Činnī (umro oko 392/1001) u svome djelu *Al-Ḥaṣā'iṣ* (u izdanju koje je

Osim ovih oblika, nalazimo još kao deminutivni sufiks -ān u riječima: 'aqrabān (uholaža), te kod etimološki nejasnog: ḥullān (ili ḥullām — jarčić). S običnim načinom deminucije u arapskom, sufiks -ān je spojen u riječima: 'uqāifān (vrsta mrava), u već ranije spomenutom 'uṣaiiān među nepravilnim deminutivima od 'ašiy(at). Ovaj sufiks se dalje javlja u vlastitom osobnom imenu 'Ubaidān, u nekim vlastitim imenima rasnih konja u sirijskoj pustinji (ku-hailān, 'obaiiān).

U sjevernoj Africi (ali ne samo u tom zapadnom dijelu arapskog područja) kod vlastitih imena ovaj sufiks -ān smjenjuje se danas sa sufiksom -ūn, ali je toga bilo i u ranijem periodu, kao npr., u imenima: Ḥaiiān i Ḥaiiūn, 'Abdān i 'Abdūn, 'Imrān i 'Imrūn i sl.⁹

Kod zamjenica postoje posebni deminutivni oblici samo od nekih pokaznih i odnosnih. Od složenih pokaznih za jedninu muškog roda: hādayyā, jedninu ženskog: hātayyā i zajednička množina: hā'ulayyā'i (od hādā itd.); zatim za jedninu muškog roda: hādayyāka i množinu hā'ulayyā'ika (od hādāka).

Od odnosnih zamjenici postoje ovi deminutivni oblici, i to za muški rod, jednina: al-ladayyā (< al-ladi), dvojina: al-ladayyāni, množina: al-ladayyūna; za ženski rod, jednina: al-latayyā (< al-latī), dvojina: al-latayyāni i množina: al-latayyātu.¹⁰

Od nekih prijedloga imenskog porijekla tvore se deminutivni prijedlozi na oblik fu'aila: bu'aida (< ba'da), tuḥaita (< tahta), duwaina (< dūna), fuwaiqa (< fauqa) i qubaila (< qabla).¹¹ Deminutivnog je oblika i prijedlog ḥudayyā, ali ne i njegovo značenje, jer znači isto što i ḥidā'a, tj. nasuprot, prema, pred.¹²

Neki deminutivi u adverbijalnom akuzativu dobijaju priloško značenje, kao, npr.: lā 'āti-ka suğaisa 'ugaisa (nikada ti neću doći); dāhabat 'ibilu-hu l-'ummāihā wa l-sumāihā (njegove su se deve raspršile na sve strane neznano kuda — ovo isto značenje ima i deminutiv al-kummaiħā); mašā l-'ugāilā (l-huwainā) = [išao je brzo (polako)]. Adverbijalnu funkciju ima deminutiv i u izrazu: 'alqā l-kalāma 'alā rusailāti-hi [smatrati (čije) riječi beznačajnim].¹³

priredio Muhammed 'Alī Al-Naġġār, Al-Ǧuz'u-l-tānī, Al-Qāhira, 1374/1955, str. 466, navodi primjer rijeći al-ḥubrūru (dakle s reduplikacijom trećeg radikalata) u deminutivnom značenju (kako on kaže: taḥqīru-l-ḥubrā), ali neuobičajenog oblika za to značenje, jer on navodi tu rijeć u odlomku pod naslovom: Bābūn fi 'irādi ma'nā l-murādi bi-ǵai-ri l-lafzi l-mu'tādi.

⁹ Ove, te navedene primjere sa sufiksom -ān, vidi: Brockelmann, op. cit., str. 394, § 217.

¹⁰ O deminutivima pokaznih, te odnosnih zamjenica, uporedi: Wright, op. cit., str. 268, § 344, Rem. 6, te str. 272, § 347, Rem. d.

¹¹ Vidi: Wright, op. cit., str. 167, § 269, Rem. e.

¹² Uporedi: E. W. Lane, *Arabic-English Lexicon*, Book I. Part 2, London 1865 (preštampano u New Yorku 1955), str. 537, pod: ḥidā'.

¹³ Prva tri primjera deminutiva vidjeti u: Al-Suyūṭī, op. cit., str. 254—256, a ostale, npr., u Lane, op. cit. Part 3, str. 1084, Part 5, str. 1965, ili drugdje.

Sasvim su usamljeni slučajevi deminutiva od glagola, i to samo od glagola čuđenja, ar. 'af'ālu-l ta'ağgubi na oblik 'af'ala, i to u primjerima s deminutivom na oblik fu'ai'ila, a to su: mā 'uhaisina-hu (< mā aħsana-hu); mā 'umailiħa-hu (< mā amlaha-hu) i rjeđe: mā uħailā-hu (< mā aħlā-hu).¹⁴

Kako se može zaključiti iz gornjeg morfološkog pogleda, deminutiv se u arapskom javlja u ograničenom broju oblika, a u praksi se zapravo svodi na tri osnovna oblika, dok se svi ostali oblici, pored ostalih funkcija, samo sporadično javljaju i kao deminutivi, te ih arapski gramatičari i nisu podvodili pod pojam deminucije (al-taṣġīru) nego samo one osnovne koji se prvenstveno i upotrebljavaju u tom smislu.

ZNAČENJA I UPOTREBA DEMINUTIVA

Stvaranje deminutiva (deminucija) iz drugih oblika ima, uglavnom, svrhu: 1) isticanje da je nešto maleno, manje od drugih bića ili predmeta iste vrste (npr. knjižica: knjiga); 2) da služi za izraze od milja (hipokoristike, npr. djetešće: dijete) i 3) da se time izrazi prezir (npr. čovječuljak: čovjek).¹⁵

Dva arapska termina *al-taṣġīru* i *al-taħqīru* upotrebljava međusobno ih zamjenjujući još Sibawaih, iako među njihovim prvo-bitnim značenjima postoji semantička razlika. Prva riječ prvenstveno ukazuje na osnovno značenje deminutiva, tj. na fizičko smanjivanje (veličine, obima, broja, prostora i sl.) relativno prema neumanjenom pojmu iz koga se izvodi dotični deminutiv. Iz tog fizičkog, konkretnog pojma, prema kome ne zauzimamo još nikakav emotivan stav, semantički se, posredstvom prirođene ljudske afektivnosti, lako moglo preći u područje apstraktnog i emocionalno angažiranog, i to u dva pravca: u pravcu našeg pozitivnog, naklonjenog odnosa, dobijši tako od deminutiva izraze od milja (hipokoristika, npr. *'uħayyun* = braco, *bunayyatun* = kćerka), ili, pak, u pravcu našeg negativnog, odbojnog, prezrivog stava, davši tako, dakle, deminutivu deprecijativan (deteriorativan) prizvuk našeg osjećanja (npr. *'udayyun* = bijedni neprijatelj, *ruġailun* = čovječuljak). Ovom pojmu odgovarao bi termin: *al-taħqīru*.

Ima slučajeva u arapskom da semantički razvoj značenja deminutivnog oblika dovede, pored pogoršanja na jednoj (npr. *duwaihiyatun* = velika nesreća; *sunayyatun* = teška godina) ili poboljšanja na drugoj strani (*huyairun* = veliko dobro; *ṣudayyiqun* = iskren prijatelj) i do izvjesnog apstraktnog povećanja pojma (al-ta'żimu)¹⁶ riječi, dakle, do sasvim suprotne vrijednosti, nego što

¹⁴ Uporedi: Wright, *op. cit.*, str. 100, § 184, Rem. f.

¹⁵ Prema: Rikard Simeon, *Enciklopedijski rječnik lingvističkih ter-*

mina, Zagreb 1969, I, str. 220, pod: deminucija.

¹⁶ Vidi: Wright, *op. cit.*, str. 166, § 269. Rem. a.

je prvobitno značenje deminutiva. To se djelimično temelji na prirođenoj sklonosti ljudskog načina mišljenja u suprotnostima tako što se pri pojavi određenog pojma u našoj svijesti zapravo automatski javi i njemu suprotan pojam. Osim toga, u slučaju povećanja uz pogoršanje značenja deminutiva (npr. u riječi *al duhaimā'ū* = crna nesreća, veliko iskušenje) mogla bi igrati određenu ulogu i primitivna praznovjerna nada da se nešto što je veliko, teško i neprijatno, označivši ga oblikom riječi koji prvobitno znači nešto maleno i neznatno, može već samom mističkom snagom riječi umanjiti i otkloniti zlo koje to donosi sa sobom.

Pri semantičkom promatranju deminutiva, pored istaknutih promjena značenja, možemo kao i kod njihovih odgovarajućih neumanjenih riječi, utvrditi kod mnogih i neke druge semantičke pojave, kao što je bliskost ili i sama međusobna identičnost značenja dva deminutiva, tj. sinonimiju (npr. u slučaju spomenutih *du-waihiyatun* i *duhaimā'ū* i sl.). Suprotnu pojavu polisemije, tj. mnogoznačnosti pojedinog deminutiva naći ćemo kod nemalog broja od njih [tako, npr., deminutiv Suhailun, pored toga što može biti izведен od riječi sahlun = ravnica, označava još češće zvijezdu Kanopus, a, osim toga, upotrebljava se i kao vlastito osobno ime; tako, opet, umanjena riječ (*al-*) *Turayyā* (*turayyā*) označava ime žene ili zvijezde, zatim vode, metaforički znači »luster« itd.]. Takva upotreba deminutiva za lična imena jedna je od najčešćih u arapskom, jedino joj je ravna ili i nešto raširenija njihova upotreba za razne geografske nazive (toponime i sl.).

Kao kod vlastitih imena uopće, gdje tu i tamo može postojati neka veza s osnovnim pojmom deminutiva, ali je ona možda još češće već potpuno izgubljena, tako je i sa izvjesnim brojem deminutiva raznih značenja koji su, dakle, sačuvali od svega još samo svoj deminutivni oblik.

Evo nekoliko odabralih primjera takvih riječi upotrebljavnih samo u deminutivnom obliku, semantički manje-više udaljenih od njegova značenja, grupiranih po njihovoj međusobnoj semantičkoj srodnosti. Tako među njima ima naziva za životinje: (*'udaibirun*, *'u'aīriğun*, *'uwaisun*, *rutailā*, *rusailā'ū*, *sukkaitun*, *quṣairā*, *kumaitun*), a naročito za ptice (*ħubaišun*, *humaimiqun*, *ruḍaimun*, *ruġāimun*, *sulaiqā*, *šuqqaiqatun*, *uqaibun*, *furařā'ū*, *qu'aīṭatun*, *ku'aītun*, *lubbaidun*); za razne vrste bilja (*ğummaizu* ili *ğummaizā*, *ħumairā'ū*, *ru'aīdā'ū* ili *ruġaidā'ū*, *suḥaimā*, *suwaidā'ū*, *ğubairā'ū*, *qutaiṭā'ū*, *luzzaiqā*, *murairun*, *murairā'ū*); dijelove ljudskog ili životinjskog tijela (*usailim*, *ħulaiqā'ū*, *suwaidā'ū*, *uzaizā'ū*, *uqqailā*, *quṣairā*, *muṛaitā'ū*, *mulaisā'ū*); razna jela ili pića (*zuraiqā'ū*, *suraitun*, *suwaitā'ū*, *ğubairā'ū*, *qubaitā'ū* ili *qubaitā'ū* odn. *qmaitā*, *kudaidā'ū* ili *kudairā'ū*, *muṭaiṭā'ū*, *mulaisā'ū*); razni apstraktni pojmovi (*ħuġayyā*, *ħudayyā*, *ħumayyā*, *duhaimun*, *ruġailā'ū*, *ruṭainā* ili *rutṭainā*, *surraitun* ili *surraiṭā*, *suwaidā'ū*, *durratun* ili *durraiṭā*, *uġailā*, *'uraiqā'ū*, *luġaizā'ū*

ili *luğāizā*, *muṭaitā'u*, *mulaisā'u*, *nuhhaibā*, *hudayyā*, *huwainā*), te još izvjestan broj ovakvih deminutiva raznih drugih značenja.¹⁷

Vlastita lična imena (antroponimi) izgubila su vremenom svoje deminutivno značenje (nekad hipokoristično, šaljivo, podrugljivo i sl.). Tako, kada naporedo postoje u upotrebi neumanjen (a on često i ne postoji) i iz njega izveden umanjen oblik (npr. Hasanun i Husainun) u široj upotrebi se izgubilo osjećanje o prvobitnoj deminutivnoj vrijednosti deriviranog deminutiva, nego se on osjeća kao semantički samostalno neumanjeno lično ime, tj. bez neke izravne povezanosti s njegovim odgovarajućim neumanjenim imenom.

Morfološki ova vlastita imena dolaze na spomenute osnovne oblike, s tim što mnoga od njih dobiju uz to, kao i ostali deminutivi, i razne sufikse, kao: -ā'u (Muzaqiyā'u), -ān (Sulaimān, Nu'aimān), a vrlo često -at(u), i to bilo za označu ženskog roda (Zubaidatu prema Zubaidun, Wuhaibatu prema Wuhaibun, i sl.), bilo kao nastavak imena muških osoba (Gūfainatu, Ḥudaifatu, Ḥuzaimatu, Dubai'atu, Tubaiḥatu, 'Utaibatu, Qutaibatu, Nubaišatu, Hubairatu i dr.). Rijetko ime s tim sufiksom služi za oba roda, kao što je u primjerima: 'Ubaidatu i Mu'ayyatu. Čest je i sufiks -iyy(un) kod nadimaka (al-alqābu) kao u: Al-Bulaidiyyu, Al-Husainiyyu, Al-Ḥudairiyyu, Al-Duḡailiyyu, Al-Rumailiyyu, Al-Zubairiyyu, Al-Suhailiyyu, Al-Šwaikiyyu, Al-Şulaihiyyu, Al-Turaihiyy, Al-'Usailiyyu, Al-Gunaimiyyu, Al-Quṣairiyyu, Al-Kuraiziyyu, Al-Luqaimiyyu, Al-Muwailihiyyu, Al-Numairiyyu, Al-Hurairiyyu i dr. Kao što se u ovim slučajevima redovno upotrebljava određeni član, takav je slučaj i s mnogim drugim nadimcima i vlastitim ličnim imenima u užem smislu (al-'asmā'u), kao što su, npr.: Al-'Ubairidu, Al-Ǧumaiḥu, Al-Ḥumayyiru, Al-Rušaidu, Al-Šuwaiḥiru, Al-Şuġairu, Al-'Ulaifu, Al-Quṣairu, Al-Kumaitu, Al-Muhairu, Al-Huġaimu i dr.¹⁸

U nekoliko slučajeva ime se upotrebljava bilo s članom bilo bez njega: (al-) Ḥusainu(n), (Al-) Ḥulaisu(n), (Al-) Zubairu(n), (Al-) 'Ugairu(n), (Al-) Hudailu(n). Inače se veći dio vlastitih ličnih imena (u deminutivu) upotrebljava bez određenog člana, u oba roda. Kao i s neumanjenim ličnim imenima, tako se i s deminutivnim može po volji tvoriti tzv. al-kunyat, tj. ime po ocu, sinu majci ili kćeri (npr. 'Abū Hurairata, Ibnu Ĝuraiġin itd.). Od osobnih imena nastalo je mnogo naziva za plemena i njihove ogranke (kao drugi član genitivne veze = al-mudāfu ilai-hi) iza riječi ܒનū, ili i bez nje samostalno, upotrebljavajući tada ime plemena u ženskom rodu, dok je kao lično ime u muškom, npr. Ĝuhainatu, 'Uqailun, Hudailun,

¹⁷ Navedene, i druge primjere, vidi, Al-Suyūfi, op. cit., str. 253—257.

¹⁸ Ovakva, kao i uopće vlastita lična imena u vrlo bogatom izboru i raznovrsnih oblika mogu se naći

u djelu: Hairu-l-dīn Al-Zirikli, *Al-'A'lām, Qāmūs tarāġim li ašhari-l-riġāl wa l-nisā' mina l-'Arab wa l-musta'ribīn wa l-mustašriqīn*, Al-ṭab'atu l-tāniya, Al-ġuz' I—X, 1373—1378/1954—1959.

a drugi su plemenski nazivi nastali od imena žene, npr. Muzinatu i sl.

Analogne morfološke i sintaksičke osobitosti kao kod antroponima nalazimo i kod raznih i mnogobrojnih geografskih naziva deminutivnoga oblika. Može se samo istaknuti da izvjestan broj ovih naziva dolazi u obliku dvojine ili množine. Inače se na tim osobinama nećemo ponovo zadržavati, nego ćemo dati izvjestan broj takvih naziva svrstavši ih u srodne skupine. Po brojnosti tu na prvo mjesto dolaze nazivi iz toponimije, i to za: naselja (gradove, sela i sl.) kao, npr.: Al-'Utaidā'u, 'Uṭaifiyatū, Al-'Utayyilū, 'Uzaihirū, Al-Buraiqatū, Buwainatū, Al-Tuqayyu, Tunainirū, Ṭu'ilibātū, Al-Ǧuraitātū, Al-Ǧumai'ā, Ḥudalğā'u, Al-Humailiyyatū, Al-Ruwaiḥānī, Zubaidānū, Sumayyā, Ṭuraiṭū, 'Unaizatainī, Fuwaidīnū, Al-Qu-rayyinainī, Al-Qufayyānī, Qunainātū, Kunaikirū, Al-Muḥaiṣirū, Al-Muḥailiyatū, Muraifīqū, Al-Muzai'atū, Al-Mukaiminū, Numailatū, Al-Hudayyatū i mnoga druga.

Mnogo je manje takvih naziva za tvrđave, npr.: Al-Ǧudaidatū, Ḥudayyānūn, Zurraiqun, Al-Quzayyatū, Muraidun, Al-Munaitiratū, Al-Nuğairu, Al-Huṭaifu, Al-Wu'airatū, Yumainun i dr.; za dijelove nekih gradova, npr.: 'Urainatū, Al-Buṭaihā'u, Ṭurairūn, Husaikatū, Al-Humairā'u, Al-Ḥuraibatū, Al-Ḥudairiyatū, Al-Duwairatū, Zuraiqun, Ḍubai'atū, Al-Qubaibātū, Al-Qurayyatū i sl.; manji ili veći predjeli, oblasti i sl., npr.: 'Udaimūm, Al-'Ukairāhū, Busaiṭatū, Bulaidun, Al-Ǧunainatū, Ĝuwainu, Ḥubaibatū, Ḥuṣaibatū, Zuḥairiyatū, Al-Šu'aīrā'u, Guṭaifūn, Luhaimun, Al-Muğaimirū, Al-Nuḥailū, Nuwairatū, Al-Huzaimū, Hunainun i dr.; pustinje i slični krajevi, npr.: 'Uṭairūn, Bunayyūn, Al-Ǧunainatū, ḥuraidā'u, ḥumayyiṭ, Al-Ḥuwaiẓatū, Al-Turaifatū, Al-'Uraimatū, Al-Numaiṭū i dr.; doline i slični predjeli, npr.: 'Udainatū, Buğaiṭūn, Ĝurayyirūn, Al-Ḥuṣaibū, Al-Ḥuwayyā'u, Sumairatū, Al-Šubaikatū, Ṭuwailī'un, 'Uraitīnātū, 'Uraifiṭānū, Al-Ǧumaimū, Qusayyānū, Kulayyatū, Mudainibūn, Nuwai'atū i dr. Ima priličan broj naziva iz područja orografije (planine, brda i slična uzvišenja), npr.: 'Uhayyūn, 'Udaimatū, Al-'Uṣaiqirū, Al-Burairā'u, Busayyūn, Ḳulayyatū, Al-Ǧuwayyū, Al-Ḥusaidātū, ḥulaimātū, ḥuṣainun, Al-Ruwaiṭātū, Sulai'un, Sumayyatū, Šubaiṭūn, Al-Šulaibū, Duwaiḥikun, Ṭuwailī'un, 'Udayyatū, Al-'Ulayyatū, Guḍayyūn, Al-Qudaimatū, Al-Qurainānī, Qutayyātū, Kusairūn, Al-Kuwairatū, Al-Muğaimirū, Al-Muḥaizilū, Mulaiḥatū, Mulaiḥibūn, Al-Nubaiṭā'u, Al-Nuqai'u, Al-Numairatū i dr. Konačno, i po mnogobrojnosti odmah iza toponima dolaze nazivi iz oblasti hidrografije (vode, rijeke, izvori, bunarevi, pojila i sl.) kao što su, npr.: 'Ubairūn, Al-'Utayyimū, 'Urainibatū, 'Ufai'iyatūn, Budainun, Buraidatū, Al-Buwai'bū, Al-Buyaidatū, (Al-)Turayyā, Al-Ǧurairatū, Al-Ḥuḡailā'u, Al-Ḥuṣailiyyatū, Al-Hulaisiyatū, Ḥubaitūn, Al-Ḥurairiyyū, Al-Duṭainatū, Duḡailūn, Al-Du'aibānī, Ruḥayyatū, Al-Ruqaḍātū, Zuḥaifūn, Al-Zuḡaibatū, Subairū, Al-Sumainatū, Al-Šuraifū,

Al-Šu'aibiyatu, Šubaibun, Al-Šulaibatu, Sunaibi'ātun, Durayyun, Turaifatu, Tuwaili'un, Žubayyun, Al-Zuwailimiyatu, 'Ubayyatu, 'Urai'iratu, 'Uraiqiyatu, 'Ufaisā, Al-Ğubairu, Al-Ğurayyatu, Ğudayyun, Al-Ğumayyimu, Al-Guwairu, Al-Qubai'bātu, Al-Qulayyibu, Al-Qunai'atu, Quwaiqun, Kubaibun, Al-Kuda'idatu, Muraiğizun, Al-Murairatu, Al-Muraisi'u, Muwaisilun, Nuğairun, Al-Nuğaimiyatu, Al-Numailatu, (Al-) Wuqaiṭu(n), Al-Hutayyu, Al-Hudayyatu i dr.¹⁹

Navedeni primjeri, kako ovdje tako i u prethodnim slučajevima, nisu iscrpili sve slučajeve koji se javljaju u jezičkoj praksi, a, osim toga, postoji još izvjestan broj deminutiva i drugih raznih značenja na kojima smatramo da se nije nužno zadržavati, jer nemaju nekih svojih osobitih karakteristika važnih za razmatranje u ovom radu.

Osnovno značenje deminutiva, pa i ona semantičkim razvojem razvijena iz njega, naći ćemo u manjoj ili većoj mjeri zastupljena i u drugim jezicima izuzev, možda, istaknuto značenje određenog apstraktnog povećavanja osnovnog pojma riječi (al-ta'żīmu) uz deminutivni njen oblik što je izvjesna osobitost u semantici arapskog deminutiva.

Što se tiče upotrebe deminutivnih oblika, možda bi njihova morfološka malobrojnost mogla ukazati i na njihovu manju frekvenciju u živoj riječi bar što se tiče onih njihovih osnovnih značenja. S druge strane, može se istaknuti da znatan broj deminutiva, izgubivši u manjoj ili većoj mjeri svoju pravu vezu s njegovim prvo-bitnim značenjem, danas imaju funkciju običnih neumanjenih riječi, što je slučaj naročito u onomastici, pa bilo to kod antroponima bilo kod drugih naziva, kao što su oni iz topomastike i srodnih oblasti.

Arapski deminutiv ima, dakle, izvjesne svoje karakteristične crte kako u morfološkom, tako i u semantičkom pogledu te u svojoj upotrebi. Izuvezši nedovoljno isticane njegove lateralne forme, deminutiv je morfološki detaljno obradivan u normativnoj gramatici i drugdje. Međutim, drugoj, semantičkoj strani ovih formi sasvim je nedovoljno posvećivana pažnja koju zaslužuju ovi oblici s obzirom na njihovu relativno široku upotrebu, pa bilo to u njihovom osnovnom značenju, bilo to u nekom drugom smislu.

S u m m a r y

CHARACTERISTICS OF ARABIC DIMINUTIVE

The most common way of diminutive formation in the Arabic literary language (diminution, *taṣğīr* or *taḥqīr*) with basic forms: *fu'ail*, *fu'ai'il* and *fu'ai'il*, derived from various non-reduced forms,

¹⁹ Ove hidrografske nazive kao i ranije navedene toponime i druga geografska imena s područja arapskih zemalja treba vidjeti prven-

stveno u djelu: Yāqūt, *Mu'ğamu-l-buldān*, Al-Muğallad I—IV, Bairūt 1374—1376/1955—1957.

has been described in detail in Arabic normative grammar since the time of its first systematist Sibawaih. That is why this study provides only the most important information about this form. The second, much rarer way of diminution of those same basic forms, but done through derivation from the very root to which the concrete forms of the words from which one wants to obtain a diminutive are reduced, has been pointed out here in comparison with the first form. This has been done for two reasons. First, because of the existence of these two forms there appears, on the one hand, the formation of double diminutive forms of the same non-reduced word [e. g., from 'usfür can be formed: 1) 'uṣaifir or 2) 'usaifir; from ḥamrā': 1) ḥumairā' or 2) ḥumairat, etc.]. On the other hand in the second way of diminution in the word having the same root, diminutive forms cannot be differentiated (e. g. of the word with the root *f-r-s*: *fāris* and *faras* the common diminutive form reads: *furaīs*, whereas in the first way the diminutives of these words are mutually clearly distinguishable and read: *fuwairis* or *furaīs*). Due to this possibility of distinguishing the forms of diminutives of words derived from the same root, the first manner has probably prevailed over the second in the living language practice.

There exist a certain number of irregularly formed diminutives but they, in the final analysis, amount to the above mentioned basic forms and thus represent only a peculiarity in the morphological respect.

In addition to the way of diminution by internal inflection already mentioned, there exist some other forms ordinarily used in the other meanings, whereas in the diminutive (and similar) sense they come only individually. Some of them come about by internal change of vocalism, and they are: 1) *fu‘āl(at)*, as for example in *gūlām* or *qurābat* and 2) *fulāfil(at)* e. g. in: *hubāhib* or *duwābbat* (< *duwābibat*) and the like. Other diminutives come about by the addition of the suffix *-ān* to the non-reduced word (e. g. in '*aqrabān*'). This suffix, especially in the Maghreb countries, alternates in proper personal names with the suffix *-ūn* (e. g. in '*Abdān*' and '*Abdūn*', and the like). The third group of forms of diminutive or deteriorative meaning appears by reduplication of the third radical of the triliteral (e. g. in *duḥlūl*, *ğirbīb*, *qırṭıṭā*, *şaḡṭūṭā*, *qamnānat*, and the like).

It is already a known fact that the Arabic diminutive is predominantly derived from nominal forms, most of all from nouns and adjectives (also participles), in some cases from some pronouns, prepositions (of nominal origin) and from some verbs.

Although the diminutive in Arabic also has a semantic function of physical diminution (*taṣġīr*), it frequently evolves in this respect into other meanings acquiring a certain affective nuance either in the positive (hypocorism) or in the negative sense of contempt and the like (*tahqīr*), whereas in some cases it can bring about

the completely opposite values of certain abstract augmentation (*ta'zīm*). However surprising this last might seem at first sight, it can be explained on the one hand by the innate human way of thinking in contrasts and on the other, at least in a number of specific cases by primitive mythological beliefs according to which something big and unpleasant can lose some of its fatal effect if it is designated by a word of diminutive form. Thus, it is believed that, by the magical power of the word itself, it is possible to remove such unfavorable influence of the being, object or phenomenon designated by the diminutive.

In addition to this basic function of diminution and meanings semantically connected with it, which also includes derivation of proper names, especially names of persons (formed from original hypocorisms but also frequently from opposite values), there exist a large number of diminutives which have, as it were, lost their original meaning and are thus used in the language practice just like any other non-reduced word without a sense of their etymology, although formally they bear a clear imprint of the diminutive. On account of this loss of their original value, and in order to establish it again, it is necessary to resort to other linguistic means of diminution outside the field of morphology — that of syntax or stylistics. However, such means go beyond the scope of this paper and consequently have not been considered. The paper is confined to corresponding morphemes and their semantics and does not enter into the consideration of more complex linguistic forms connected with the problem of the diminutive in the Arabic literary language.